

ՀԱՅԱՍՏԱՆՈՒՄ ԳՏՆՈՒԹ ԳՈՒՆԱԶԱՐԻ ԽԵՅԵՂԵՆԻ

ՄԻ ՔԱՆԻ ՆՄՈՒՇՆԵՐ

(Մ. ք. ա. V դ. մ. ք. I դ.)

Ժ. Գ. ԽԱԶԱՐՅԱՆ

Հայաստանի մ. թ. ա. VI—I դդ. նյութական մշակույթը մեզ քիչ է հայտնի, ուստի Գառնիում և Գեղաղիրում վերջին տարիներին հայտնաբերված դամբարանային նյութերը խոշոր նշանակություն են ստանում Հայաստանի այդ շրջանի նյութական մշակույթի ուսումնասիրության որոշ հարցերի լուսարանման համար:

Ներկա հոդվածի առարկան կազմում են դամբարաններում հայտնաբերված գունազարդ խեցեղենը, ինչպես նաև պատահաբար հայտնաբերված և Պետական պատմական թանգարանում պահվող գունազարդ խեցեղենի մի քանի նմուշներ: Վերջիններս իրենց մշակումով, զարդերով ու ձևերով կապվում են դամբարանային նյութերի հետ և իրենց տեղն ու բացատրությունը գտնում նրանց միջոցով, միաժամանակ դրանք նկատելիորեն լրացնում են դամբարանային գունազարդ խեցեղենի պատկերը:

Խեցեղեն իրերի մեջ ամենավաղ և հետաքրքիր օրինակներից մեկը դա Գեղաղիրում հայտնաբերված տափաշին է (տախտ. I.), որը գտնվել է Երևան-Գառնի խճուղու շինարարության ժամանակ: Տափաշիշը, որի բարձր. 12 սմ է, լայնքը՝ 12 սմ, բերանի բացվածքը՝ 3 սմ, ունի ի. լ. դ, կարճ վիզ, բոլորակ դուրս թեքված շուրթ: Փոքր ինչ սեղմված տափակ իրանի ուսերին կաս երկու ուղղահայաց, փոքրիկ կանթեր: Հատակը բոլորակ է: Վզի և իրանի միացման տեղում կարմիր, նեղ գոտի է անցնում, որից ներքև մուգ դարչնագույն ներկով տարված են երկու շարք ծաղկաշղթայածև զարդեր՝ երկու զիգզագածև և երկու ուղիղ գծեր: Նշված զարդերի միջև կարմիր ներկով տարված են համեմատաբար ավելի լայն հորիզոնական գոտիներ: Ամբողջ նկարազարդումը կատարված է բաց դեղնավուն ֆոնի վրա և գրավում է անոթի վերին մասը: Տափաշիշը պատրաստված է բաց դեղնավուն լավ տրորված մանրահատիկ կավից, որի մեջ նշմարվում են սև ավազահատիկներ: Մակերեսը լավ հղկված ու փայլեցված է: Փոքրիկ նեղ անցքերով կանթերը (բարձր.՝ 2 սմ) և կլոր հատակը ցույց են տալիս, որ այն կախելու համար է եղել, հավանաբար ռազմիկները երթի ժամանակ կրել են իրենց վրա:

Չափերով Գեղաղիրի տափաշին բավականաչափ մոտ է Նախիջևանի մոտ՝ Փյուլ-Թափայում հայտնաբերված տափաշիշը (պահվում է Վրաստանի պետական թանգարանում), որի մի կողմը քիչ տափակ է և անզարդ, իսկ մյուս ուղուցիկ կողմում բաց ֆոնի վրա սև և կարմիր ներկով պատկերված է վեց թևանի աստղ, թևերի մեջ՝ թռչնակերպ նախշեր: Դժբախտաբար սրա ճիշտ ժամանակը որոշված չէ: Դեղնավուն, բաց կարմիր, կաթնավուն ֆոնի վրա արված համակենտրոն շրջաններով զարդարված տափաշներ-ջրամաններ հայտնի են Արմավիրի և Գառնիի հելլենիստական շերտերից, Դվինից: Բայց սրանք ավելի խոշոր ու միագույն զարդերով են: Աղբբջանում հայտնաբերված տափաշների գերակշռող մասի մի կողմը տափակ է և անզարդ՝ նույն ձևի են Վրաստանում³ և Միջին Ասիայում⁴ հայտնաբերվածները: Նրանց ուղուցիկ կողմերին ակոսավոր զարդեր են արված, կենտրոնում թմրիկ, քիչ են հանդիպում գույներով արված նախշեր: Տափաշներ հայտնի են նաև Փոքր Ասիայից՝ մեկ կանթանի, անզարդ կամ համակենտրոն շրջաններ:

¹ Б. А. Куфтин, Урартский „колумбарий“ у подошвы Арарата и Куро-Араксский энеолит, Тбилиси, 1944, էջ 96, տախտ. XVIII₂:

² С. М. Казиев, Археологические раскопки в Мингечауре. Альбом кувшинных погребений, Баку, 1960, 57-58, տախտ. XV—XVII; Н. И. Рзаев, Художественная керамика Кавказской Албании, Баку, 1964, էջ 37 և հտ., նկ 23:

³ Н. И. Рзаев, նշվ. աշխ., էջ 38; Г. Ниорадзе, Раскопки в Алазанской долине, Тбилиси, 1940, նկ. 39:

⁴ М. Г. Воробьева, Керамика Хорезма античного периода. „Керамика Хорезма“, Москва, 1959, նկ. 12—16:

րով զարդարված, թվագրվում են երկրորդ հազարամյակի կեսերով⁵։ Պերսեպոլսում հայտնաբերված տափաշները ունեն սիմետրիկ դասավորություն՝ երկու կանթ, բայց պատահում են նաև անկանթ ու առանց զարդերի։ Տափակ կողերով և համակենտրոն շրջաններով զարդարված երկկանթ տափաշներից մեկը ձևով շատ նման է մերին⁶։ Ձևով ու չափերով Գեղադիրի տափաշին նման, բայց առանց զարդերի, ինչպես նաև չափերով ավելի մեծ տափաշներ գտնվել են Դուրա Էվրոպոսի հելլենիստական շրջանի դամբարաններում⁷։ Այդպիսիք, ներկով արված համալենտրոն շրջաններով, հայտնի են Թել Զալաֆի հելլենիստական շերտերից⁸, զանազան ձևերով ու զարդերով՝ Տիգրիսի ափի Սելևկիայից⁹, Նեմրութի հելլենիստական թաղամասից¹⁰, Աշուրից¹¹, Տաքսիլայից¹²։ Սրանք Հայաստանի օրինակներին նման են, բայց ավելի ուռուցիկ են, զարդարված միագույն համակենտրոն շրջաններով։ Համակենտրոն շրջաններով մեծ տափաշներ գտնվել են Ղրիմում՝ Եվպատորիայի մոտ, հելլենիստական շրջանի ֆակտորիայի պեղումներից, Խերսոնեսում¹³, Օլվիայում¹⁴։

Գեղադիրում հայտնաբերված տափաշիչը վերը բերվածների հետ համեմատելուց հետո կարելի է ասել, որ դրանցից և ոչ մեկը չունի այն երկգույն, բնորոշ տիպի զարդերը, որոնք կան Գեղադիրի տափաշի վրա։ Այդպիսի նախշերով հարդարված անոթներ դժայի բանակություններ հանդիպում են Հայաստանում։ Գեղադիրի տափաշին իր զարդերով որոշ նմանություն ունի Կարմիր բլուրի քաղաքային թաղամասում բացված վաղ հայկական գերեզմաններից մեկում գտնված երկու գնդաձև մարմիններով իրար կպած անոթը¹⁵։

Տափաշի նախշերին նման և այլ տիպի նախշերով է զարդարված Պետական պատմական թանգարանում պահվող մի փոքրիկ սափոր (բարձր.՝ 12 սմ, հատ. լայն.՝ 5 սմ)։ Սափորի ամբողջ մակերեսը ծածկված է բարդ երկրաչափական զարդերով, որոնք պատկերված են բաց դեղնավուն անգորով պատած ֆոնի վրա։ Բացի ծաղկաշղթայաձև զարդերից, այստեղ պատկերված է նաև շղթայաձև զարդ։ Սափորի ներքին հորիզոնական կարմիր ժապավենից սուր երկար ծայրով դեպի հատակն են իջնում 12 եռանկյունիներ, որոնք իրենց հերթին եզերված են մուգ դարչնագույն հաստ գծերով (տախտ. 12)։

Ձիգզագաձև զարդեր կան նաև Արեշատ գյուղից բերված և Պետական պատմական թանգարանում պահվող կարմիր և մուգ դարչնագույն ներկերով զարդարված երկու բեկորների (ՊՊԹ, 1394, 1395) և Նոր Արմավիրում գտնված թեյնիկանման ծորակով լայնարևրան մեծ անոթի (ՊՊԹ, 1331) վերին կեսի վրա։ Գոտիների մեջ արված ալիքաձև, զիգզագաձև և ծաղկաշղթայաձև նախշերով զարդարված բեկորներ շատ են գտնվել Արմավիրի, Գառնիի ու Դվինի հելլենիստական և վաղ հայկական շրջանի շերտերից։

Վերը բերված զուգահեռները, ինչպես նաև Կարմիր բլուրի, Արմավիրի ու Գառնիի նույն զարդերով խեցեղենը, թույլ են տալիս Գեղադիրից հայտնաբերված բազմաբանգ տափաշիչը և սափորը թվագրելու մ. թ. ա. V—III դդ.։

⁵ Tahsin Özgüç, Granbungene von 1950 in Kültepe. Belleten, XVII, 65, Ankara, 1953, էջ 116, նկ. 19, 20։

⁶ Schmidt Erich F., Persepolis, II, Chicago, 1957, տախտ. 71, 8, 72, 12, 13, 73, 1։

⁷ N. P. To11, The Necropolis. The Excavations at Dura-Europos. Preliminary Report of the ninth season of work 1935—1936. P. II, New Haven. London, 1946, գեղ. 55, տախտ. LIX, LX; To11 N. P., Final Report IV, P. I, New Haven, London, 1943, էջ 53, նկ. 23։

⁸ Openheim Max Freiherr. Tell Halof. Vierter Band. Berlin, 1962, տախտ. 72, 13։

⁹ N. C. Debevoise, Parthian Pottery from Seleucia on the Tigris, Ann Arbor, 1934, նկ. 298—304։

¹⁰ David and Joan Oates, Nimrud, 1957; The Hellenistic settlement, Iraq, vol. XX, p. 2, 1958, տախտ. XXX, 7, 9։

¹¹ Andrae Walter und Lenz Heinz, Die Partherstadt Assur. Leipzig, 1933, տախտ. 47a, e.

¹² J. Marshall, Taxila. Cambridge, 1951, տախտ. 122, 44, 45։

¹³ Г. Д. Белов, Эллинистический дом в Херсонесе, „Труды Гос. Эрмитажа“, VI, Ленинград, 1963, էջ 153, նկ. 20։

¹⁴ „Известия Государственной академии истории материальной культуры“, X, вып. 5, նկ. 20։

¹⁵ А. А. Мартиросян, Город Теишебанин, Ереван, 1961, էջ 42, նկ. 66։

Պետական պատմական թանգարանում պահվում է Մովինարից բերված զեղաձև իրանով, լայն կարճ վզով և զեպի դուրս լայնացող, երեքնուկի նման պսակով մի սափոր, որի լայն հատակը թևեակիորեն ներճկված է: Կանթի մի ծայրը միացած է վրի կենտրոնին, մյուսը՝ փորին (բարձր.՝ 13 սմ, պսակի տր.՝ 6,5 սմ, հատ. լայն՝ 8,5 սմ): Իրանի վերին կեսը ծածկված է մուգ կարմիր ներկի լայն շերտով: Իսկ քիչ ակոսավոր կանթը զարդարված է նույն գույնի ոչ լայն հորիզոնական ժապավեններով: Երեքնուկի նման պսակի տակ երկու տեղում ունենֆ շրջաններ կան: Մականերս լավ փայլեցրած է (տախտ. I₃):

Երեքնուկի նման պսակով անոթների՝ օլեոխոյաներ, հայտնի են տարբեր երկրներից: Դասմենատարածված և ամենից երկար պահպանված ձևերից մեկն է եղել: Հայաստանի տեղիտորիայում այն գալիս է ղեռևս ուրարտական շրջանից և հարասնում է մինչև ուշ միջնադար: Այսպիսով, վերը նկարագրած օլեոխոյաների նախատիպը պետք է որոնել ուրարտական գինու սափորների¹⁶ մեջ:

Օլեոխոյաները շատ տարածված են եղել նաև Վրաստանում¹⁷ և Ազրբեջանում¹⁸: Մովինարի օլեոխոյան իր կատարյալ մշակմամբ, պսակի և կանթի ձևով, զարդարանքով, որպիսին շատ է հանդիպում Արմավիրի հելլենիստական գունազարդ խեցեղենի մեջ, կարող է թվագրվել մ. թ. ա. III—I դդ.:

Գանձի ամրոցի մուտքի մոտ կարասային թաղումից գտնվել է գունազարդ մի պուլիկ (տախտ. II₁): Պատրաստված է մանրահատիկ հավից, ունի ցածր, զեպի վեր լայնացող վիզ, չորը վերջանում է դուրս թեքվող զրեթն ուղիղ կտրված պսակով: Հատակը հարթ է ու լայն: Իրանի կենտրոնից անցնում է կարմիր ներկով արված հորիզոնական մի գոտի, որը պսակի տակից անցնող կարմիր գոտուց զեպի հատակն իջնող ժապավեններով բաժանվում է մի շարք անհավասար մասերի: Նկարը արված է պուլիկի՝ բաց գույնի, փայլեցրած մականթան: Պուլիկն իր ձևով մոտենում է Ջրառատի և Գանձիի պուլիկներին: Այն պատկանելով ավելի ուշ շրջանի (II—I դդ.), ժամանակի ընթացքում որոշ փոփոխությունների է ենթարկվել:

Առանձին խումբ են կազմում փորրիկ թասերը, որոնցից երկուսը հայտնաբերվել են Գառնիում: Իրանցից մեկը (տախտ. II₂) պատրաստված է բաց աղուսագույն մանրահատիկ կավից (բարձր.՝ 2,5 սմ, հատ. լայն.՝ 5 սմ, պսակի տր.՝ 7,5 սմ): Ի.նի ուղիղ կտրված չուրթ (0,5 սմ), վիզը զեպի ներքև լայնանալով անկյուն է կաշմում և նեղանալով միանում է հարթ հատակին: Մակը ներկված է կարմիր ներկով: Ներսում պսակի տակից անցնող կարմիր լայն շրջանը պարփակում է բաց ղեղնավուն անզորի ֆոնի վրա կարմիր ներկով պատկերված խաչը: Դրսից, պսակից զեպի լայն մասն են իջնում ուղղահայաց կարմիր ժապավեններ: Թասի մականերսը լավ փայլեցրած է: Այսպիսի զարդերով տարբեր մեծության բազմաթիվ թասեր ու պնակներ են գտնվել Արմավիրում (ՊՊԹ 2287/9, 2256/49, 2287/43) և Գառնիում:

Թասը, Ալեքսանդր Մակեդոնացու դրամի օգնությամբ (որ գտնվել է նույն դամբարանում), թվագրվում է մ. թ. ա. IVդ. վերջով —III դ. սկզբով:

Նույն պատկերն ունի Պետական պատմական թանգարանում պահվող մի փորրիկ թաս (ՊՊԹ 1393), որի պատկերը, սակայն, մուգ դարչնագույն ներկով արված զարդերով ավելի է հարուսացված: Այն ներկված է և՛ դրսից, և՛ ներսից (բարձր.՝ 3 սմ, տրամ.՝ 9,5 սմ): Կարմիր խաչի սզրի մոտով անցնում է մուգ դարչնագույնով արված եղևնաձև նախշ, որի մի կողմում տերևներ են նկարված, իսկ թևերի միջև, կենտրոնում կարմիր ներկով մենական խոշոր կետ է զրված: Վյս բազմերանգ թասը մեր կարծիքով ժամանակակից է նախորդին, այսինքն պատկանում է IV—III դդ. (տախտ. II₃):

Գանձիից գտնված մյուս թասը ավելի խոր է և քիչ ուրիշ ձև ունի: Կիսագնդաձև իրանը չեշտակի լնցումով միանում է աստիճանաբար լայնացող զեպի դուրս թեքված պսակով վերջացող

¹⁶ Б. Б. Пнотровский, История и культура Урарту, Ереван, 1944, էջ 181, Б. Б. Пнотровский, Кармир-блур III, Ереван, 1955, տախտ. VII.

¹⁷ Б. А. Куфтин, Археологические раскопки в Трназети, Тбилиси, 1941, տախտ. XV; Б. А. Куфтин, Материалы к археологии Ксхиды, II, Тбилиси, 1950, էջ 66 և հա. տախտ. 19, 20; О. Лордкипанидзе, Ремесленное производство и торговля в Аицхета в I—III вв. н. э., Труды Тбилисского государственного университета, т. 65, 1957, էջ 118; Г. Нпораздзе, Կշի. աշխ., տախտ. XIV j, k.

¹⁸ О. Ш. Исмизаде, Ялойдутепинская культура, Баку, 1956, տախտ. 14, VII₂, XII₂, XIV₁, XV_{1,2,4}, XVI₂, XXXI₄, Н. Н. Рзаев, Կշի. աշխ., ԿԳ. 55, 57, 58; Пассек Т., Джафарханский могилник. ВДИ, 1946, № 2, ԿԳ. 16.

բարձր վզին: Հատակը ներսկված է, ներսից այն նման է կիսագնդաձև թմրի, ինչպես մետաղյա թասերին: Բասը ներսից ներկված է մուգ ներկով, դրսից պսակը և վիզը ներկված են կարմիր: Մակերեսը լավ փայլեցրած է (տախտ. 119): Թասն իր ձևով հիշեցնում է ուրարտական և արևմենյան շրջանի մետաղե և կավե թասերը, որոնց կարելի է համարել մեր գունազարդ թասի նախատիպերը: Այդպիսի թասի բեկորներ շատ են գտնվել գունազարդ խեցեղեն նյութեր ունեցող հուշարձաններից:

Հատակին թմրիկ ունեցող ուրարտական փոփած լայն թաս գտնվել է Լենինականում (ՊՊԹ 1934/2): Այդպիսի թմրիկով խոր թաս հայտնի է նաև Գառնիից (ՊՊԹ 1967/140): Կիսագնդաձև թմրիկներով կավե թասեր մեծ քանակությամբ գտնվել են Մինեգեշատում՝ կարասային թաղումներից և խեցեղեն պատրաստելու արհեստանոցների թրծման հնոցներից, որոնցից մի քանիսը ձևով շատ նման են Գառնիի մեր նկարագրած գունազարդ թասին: Մինեգեշատում հայտնաբերված այդ թասերը, մյուսների համեմատ, ավելի վաղ շրջանի են համարվում¹⁹:

Թասը 2, Մեսցականյանը և Գ. Տիրացյանը համարում են Զրաուտի թասերի հետագա զարգացումը և թվագրում մ. թ. I դարով²⁰:

Գառնիից հայտնաբերված գունազարդ թասը իր մշակմամբ ու ձևով կարող է թվագրվել մ. թ. ա. II—I դդ.:

Այս խմբին են միացվում ժամանակով ավելի ուշ, բայց տեխնիկայի ու կատարման տեսակետից հելլենիստական գունազարդ խեցեղենի տրադիցիաների շարունակությունը՝ հանդիսացող մեկ կանթանի երկու գունազարդ սափորներ: Սրանք գտնվել են Գառնիում, սալարկղային դամբարաններից: Սափորներն իրենց արտաքին մշակումով փոքր ինչ տարբերվում են նախորդ գունազարդ անոթներից: Սափորներից մեկը (ՊՊԹ 2099/84), որի կանթը կոտրված է (բարձր.՝ 24 սմ, բերանի բացվ.՝ 12 սմ, հատ. լայն.՝ 8,5 սմ), ունի ձգված գնդաձև իրան, լայն ցածր վիզ, որը չերչառում է ղեպի դուրս լայնացող պսակով: Վզի և իրանի միացման տեղում արված է երկու .եկեֆ գոտի: Սափորն ունի օղակաձև ցածր ստը: Մակերեսը տեղ տեղ պատած է եղւյ սպիտակ անգորով: Փորի տակից անցնում են լայն ու նեղ գուգահենո գոտիներ: Անոթը զարդարված է նաև զդին, ուսին և փորին կարմիր ներկով անփույթ արված շերտերով (տախտ. 120):

Փոքր սափորը (ՊՊԹ 2099/80) ձևերով նման է նախորդին (բարձր.՝ 14 սմ, բերանի բացվ.՝ 8,5 սմ, հատ. լայն.՝ 6 սմ): Նախորդի նման այս սափորի մակերեսը ևս տեղ-տեղ պատած է սպիտակ անգորով: Փորի տակից անցնում է կարմիր լայն գոտի: Շուրթը դրսից ու ներսից տեղ-տեղ կարմիր է ներկված, կանթի վրա երկու հորիզոնական լայն ժապավեն կա: Սա ևս զարդարված է կարմիր ներկով ազատ քաշված շերտերով, որոնք թռչունների են նմանվում (տախտ. 121):

Ե՛վ այս, և՛ նախորդ սափորի մակերեսը ողորկ և փայլեցված չէ:

Այս սափորներն իրենց կավով ու մշակումով, կանթերի, շրթերի ու հատակների ձևերով նման են Գառնիի՝ մ. թ. I—II դդ. թվագրվող դամբարաններից գտնված սափորներին ու կճուճներին: Չենթով մեր սափորներին նման, կարմիր ներկով անփույթ արված պատկերներով սափոր է գտնվել Կրևտևում, թվագրվում է մ. թ. I դարով²²: Գառնիի գունազարդ սափորները ևս պատկանում են մ. թ. I դարին: Գունազարդ խեցեղենը պատրաստված է հետևյալ եղանակով: Բրուտը, նախքան թրծելը, անոթի մակերեսը ծածկել է բաց գույնի անգորով կամ առանց անգորդ քսելու: Լավ փայլեցրել է .պեռահետե մեկ կամ մի քանի գույներով նախապարզել, ապա թրծել:

Մյուս խումբը, վերը նկարագրած վերջին գունազարդ սափորները, ի տարբերություն նախորդի, չի փայլեցված, նախապարզումը ավելի անփույթ է արված: Գունազարդ անոթներն ունեն բաց ֆոն, մեծ մասամբ ծածկված են կաթնավուն, դեղնավուն, կարմրավուն և վարդագույն անգորով: Ձարդանախշերի մեջ գերակշռում են երկրաչափական, լայն ու նեղ գոտիները, համակենտրոն շրջանները, խաչաձև, զիգագաձև, ալիքաձև, ցանցաձև, շղթայաձև, եռանկյունաձև աստիճանները: Հանդիպում են նաև բուսական՝ ծաղկաշղթա հիշեցնող և կենդանական պատկեր-

¹⁹ С. М. Казнев, *Изд. 1921*, էջ 21 և հտ. տախտ. XII, 2; Г. И. Моне, О гончарных обжигательных печах из Мингчаура, МКА, II, Баку, 1951, էջ 32, տախտ. I, 1, 2, 6.


²⁰ А. О. Мнацаканян, Г. А. Тирациян, Новые данные о материнской культуре древней Армении, «Известия» АН Арм. ССР, 1961, № 8, էջ 77, տախտ. 7 III.

²¹ Б. Н. Аракелян, Гарин II, 1956, նկ. 19, տախտ. IX; X.

²² R. J. Charleson, Roman Pottery, London, 1955, նկ. 83A.




1



2



3




4







1




2




3



4



5



ներ, Դրաճը արված են շագանակագույն, վարդագույն, դարչնագույն և մուգ դարչնագույն, օխրափ, կաթնագույն, սրճագույն, կարմիր և մուգ կարմիր գույնի ներկերով:

Մինչ վերը նկարագրած գունազարդ խեցեղենի հանգես դալը, կավանոթները գունավոր ներկերով դարդանախշելու տեխնիկան եղել է ինչպես բուն Հայաստանում, այնպես էլ հին աշխարհի շատ ուրիշ երկրներում: Այդ տեխնիկան Հայաստանում հանգես է եկել դեռևս IV հազարամյակում և գրեթե առանց ընդհատվելու երբեմն ավելի մասսայական, երբեմն ավելի սահմանափակ ձևով, շարունակվել է մինչև ուրարտական պետության կործանումը: Նախիջևանի Քյուլ-Քափա կոչված վայրում, Միլի տափաստանում²³ և Էջմիածնի Թեղուտ կոչվող վայրում հայտնաբերված գունազարդ խեցեղենը այլ նախընթաց բացի զարդարված է նաև տարբեր ֆոնի վրա արված ռետիներով, որոնք շատ բնորոշ են վաղ հայկական և հատկապես հելլենիստական շրջանի գունազարդ խեցեղենին: Վերջիններին հատուկ մի քանի նախշեր, ինչպիսիք են զիզգաղածն, ալիքածն, ցանցածն ու եռանկյունաձև զարդերը և գոտիները շատ են հանդիպում բրոնզեդարյան սունազարդ խեցեղենի վրա: Տարածված են եղել բրոնզեդարյան անոթների վզի հիմքի վրա արվող զիզգաղածն և ալիքածն զարդերը: Գունազարդ խեցեղենի ավանդներն այնուհետև Հայկական լեռնաշխարհում շարունակվում են հանձին ուրարտական գունազարդ խեցեղենի, որը հայտնաբերվել է Վանից, Բոփրախ-կալեից և Կարմիր բլուրից:

Քանի որ Հայաստանի հնագույն շրջանի գունազարդ խեցեղենը աղերսվում է Առաջավոր Ասիայի և հատկապես Փոքր Ասիայի, Բրանի և Միջագետքի վտղ շրջանի գունազարդ խեցեղենի հետ, ուստի վաղ հայկական և հելլենիստական շրջանի գունազարդ խեցեղենի նախընթաց շատերը, գոտիները, դալարները, ծաղկաշղթաները, ալիքածն գծերը, գծիկներով լցված որոշ շեղանկյունիներ և այլն մեծ նմանություն ունեն նաև փոքրասիական, կապադովկիական, հյուսիսմիջագետքյան և իրանական հնագույն գունազարդ խեցեղենի զարդերին: Առաջավոր Ասիայի վաղ շրջանի և ավելի ուշ շրջանի գունազարդ խեցեղենի զուգադրումից երևում է, որ, այդպիսով խեցեղենի արտադրությունն այնտեղ (Փոքր Ասիա, Հայկական լեռնաշխարհ, Բրան) հարատևում է մինչև այս օրվա մինչև, երբ Հին Հայաստանում և Անդրկովկասում հետուրարտական շրջանում (մ. թ. ա. VI—V դդ.) այն նոր թափ է ստանում²⁴:

Այդ բանի ապացույց կարող է հանդիսանալ փոյուզիական խեցեղենը, որը զարդարված է նաև գոտիների միջև ծաղկաշղթա հիշեցնող, ալիքածն ու զիզգաղածն և այլ բնորոշ զարդերով:

Իսկ Բրանի մինչև մ. թ. ա. VI—V դարերն հասնող (Շոշ, Մակու, Զիվիե, Հասանլու) գունազարդ խեցեղենի զարդերից իրար հետ ձայնակցում են ուղիղ գոտիները, ալիքածն գծերը, թռչունների պատկերները, ցանցածն զարդերը, գալարները և այլն: Հետաքրքիր է այն փաստը, որ Բրանի ու շրջանի խեցեղենը հիմնականում ի հայտ է եկել Ուրմիս լճի շրջանում գտնվող հնավայրերից²⁵:

Հայաստանի վաղ հայկական և հելլենիստական շրջանի գունազարդ խեցեղենի վրայի ալիքածն, զիզգաղածն, ծաղկաշղթաձև և ժապավենաձև զարդերը որոշ նմանություն ունեն նաև այսպես կոչված հոնիական հասարակ խեցեղենի զարդանախշերին: Դրանք արված են սև և այլ գույնի ներկերով, իսկ պատկերները տեղավորված են անոթի վզի հիմքի և ուսերի վրա: VII—V դդ. այդպիսի զարդանախշերով տարբեր տիպի խեցեղեն է արտադրվել Արևելյան Միջերկրածովյան ավազանի մի շարք կենտրոններում, հոնիական աշխարհում՝ փոքրասիական քաղաքներում ու կղզիներում, ինչպես նաև մերձսևծովյան հունական գաղութներում²⁶:

Հոնիական գունազարդ գոտիներով և ժապավեններով խեցեղենը գաղութներում ավելի երկար կյանք է ունեցել և նրա արտադրությունը շարունակվում է մ. թ. ա. V—III դդ. ընթացքում²⁷:

²³ А. А. Нессен, Кавказ и древний Восток в IV и III тысячелетиях до нашей эры, КСИА, 93, М., 1963.

²⁴ Г. А. Тирациян, О расписной керамике древней Армении, *Գաղափարախոսական հանդես*, 1965, № 3, էջ 269 և հաջ.

²⁵ Г. А. Тирациян, *Եզգ. աշխ.*, էջ 270 և հաջ.

²⁶ Р. В. Шмидт, Греческая архантическая керамика Мирмекия и Тиритаки. МИА, № 25, М.—Л., 1952, էջ 239 և հաջ., նկ. 9; Н. А. Сидорова, Археологическая керамика из Понтикапея, МИА, 103, Москва, 1962, էջ 142 և հաջ., նկ. 18, 19, այդ մասին գրականությունը տես նշված աշխատանքներում:

²⁷ Т. Н. Книпович, Из истории художественной керамики Северного Причерноморья, СА, VII, 1941, էջ 150; Т. Н. Книпович, Художественная керамика в городах Северного Причерноморья, «Античные города Северного Причерноморья», М.—Л., 1955, էջ 378:

IV—III դդ. այդպիսի խեցեղեն է հայտնաբերվել Օլվիայում²⁸, Օլինթոսում, որո Ռոբինսոնը համարում է տեղական մինչպարսկական ժամանակաշրջանի արտադրանք²⁹։

Հելլենիստական դոնադարդ խեցեղենը թե՛ անոթների ձևերով և թե՛ զարդամոտիվներով որոշակիորեն տարբերվում է մ. թ. ա. VII—VI դդ. հունիական խեցեղենից։ Այն հանդիսանում է հին արխաիկ զարդարանքի ձևերի վերածնունդը³⁰։ Հայաստանից հայտնաբերված հելլենիստական գունազարդ խեցեղենը մեծ նմանություն ունի հելլենիստական աշխարհի մյուս կենտրոններից հայտնաբերված նույնատիպ խեցեղենի հետ։ Բաց ֆոնի վրա կատարված զարդանախշերով խեցեղենը լայն տարածում է ստանում մ. թ. ա. III դ. սկսած։ Այն արտադրվել է անտիկ աշխարհի տարբեր մասերում։ Այդպիսի խեցեղեն է պատրաստվել Կոթրասիական արհեստանոցներում, Երինակ, Պերգամոն հայտնաբերվել է գունազարդ խեցեղեն³¹։ Այդ տիպի հելլենիստական խեցեղեն է հայտնաբերվել բուն Հունաստանում՝ Աթենքի, Ագորայի³² և Կորնթոսի³³ հելլենիստական շերտերում, Սիրիայի Անտիոք քաղաքի շրջակայքում³⁴, Թեյ Հալաֆի հելլենիստական շերտերում³⁵։ Տարբեր գույնի բուսական, մասամբ նաև երկրաչափական ու կենդանական նախշերով է զարդարված Կիպրոսի³⁶ հելլենիստական երկու շերտից հայտնաբերված խեցեղենը (մ. թ. ա. 525—150 և 150—50 թթ.)։

Ուղիղ և շրջակենտրոն տարբեր գույնի ժապավեններով է զարդարված Կիլիկիայի Տարսոս քաղաքում հայտնաբերված մ. թ. ա. առաջին դարերի խեցեղենը³⁷։ Բաց ֆոնի վրա արված գունավոր զարդանախշերով խեցեղեն արտադրվել է հյուսիսային մերձսևծովյան բոլոր գլխավոր քաղաքներում։ Խերսոնեսի հելլենիստական շերտերում բացի մեծ քանակությամբ այդպիսի խեցեղենից³⁸, գտնվել է նաև III—II դդ. սկզբով թվագրվող կավագործական արհեստանոց³⁹։ Նման կավանոթների արտադրության նմուշներով։ Բուսական նախշերով և ժապավեններով են զարդարված Օլվիայում հայտնաբերված տարբեր տիպի մեծ թվով անոթները⁴⁰։ Այդպիսի խեցեղեն զբո-

²⁸ „Ольвийская агора“, „Ольвия и нижнее Побужье в античную эпоху“, МИА, 50, М.—Л., 1956, էջ 67 և հտ., նկ. 27։

²⁹ Excavations at Olinthus, Baltimore, 1933, P. V, տախտ. 132, 133։

³⁰ Э. Р. Штерн, К вопросу об эллинистической керамике, 300 XXVIII, 1895, էջ 174։

³¹ Altertümer von Pergamon, B. 1, 2, Berlin, 1913; A. Conze, Stadt u. Landschaft Beiblatt, 45.

³² Thomson Homer A., Two centuries of Hellenistic Pottery, Hesperia, vol. III, Athens, 1934, նկ. 4, 5; Ghali-Kahil Lilly, La Ceramique Grecque (Fouilles 1911—1956), Paris, 1960, տախտ. LXI₃։

³³ Robinson Henry, Excavations at Corinth, 1960, Hesperia, vol. XXXI, № 2, 1962, տախտ. 46։

³⁴ Waage O., Ceramics and islamic Coins. Antoch on the orontes, IV, Princeton, 1948, տախտ. 1, նկ. 2—3։

³⁵ Tell Halaf, էջ 85 և հտ., տախտ. 70, 71, 72, 73, 74, 75, 32, 36, 47։

³⁶ The Swedish Cyprus Expedition, vol. IV, p. 111, Stockholm, Lund, 1956, Olof Wesberg and Alired Westholm, The Hellenistic and Roman Period in Cyprus, էջ 55—66, 71—79, նկ. 21—29։

³⁷ Excavations at göslu Kule Tarsus, տախտ. 132, № 189, 134, № 220։

³⁸ Г. Д. Белов, նշվ. աշխ., էջ 132, նկ. 12a; Г. Д. Белов, Отчет о раскопках Херсонеса за 1935—1936 гг., Симферополь, 1938, էջ 25, նկ. 17, էջ 230, նկ. 72, էջ 243, նկ. 88։

³⁹ В. В. Борисова, Гончарные мастерские Херсонеса, „Сов. Арх.“, 1958, էջ 144, 150, նկ. 7։

⁴⁰ Э. Р. Штерн, նշվ. աշխ., էջ 168, տախտ. IV_{10, 11}, V₁₃, VI_{20, 21, 22}, „Ольвия“, т. I, Кнев, 1940, Т. Н. Книпович, Керамика местного производства из раскопа И, էջ 165 և հտ., նկ. 107; Т. Н. Книпович, Художественная керамика в городах Сев.-Прнчерноморья, նկ. 16։

ներվել է նաև Պանտիկապոլիսում⁴¹, Միրմեթիայում⁴², Քամանյան թերակղզում⁴³, Ֆանագորիայում⁴⁴ և այլ վայրերում:

Բառ Ֆոնի վրա գունավոր զարդերով խեցեղեն արտադրվել է Նգիպտոսում՝ Ալեքսանդրիայում, որը համարվում է այդ տիպի խեցեղենի արտադրության ամենահայտնի կենտրոններից մեկը: Իր տեխնիկական առանձնահատկություններով և նորրոգ զարդանախշերով, ուր գերակշռում են բուսական մոտիվները, Ալեքսանդրիայի գունազարդ խեցեղենը լայն ճանաչում է ստանում: Հատկապես հայտնի են այնքանորդյան երեք կանթանի ջրամանները (ս.ճ.ձ), որոնց վրա կան մ. թ. ա. III դ. առաջին կեսին պատկանող արձանագրություններ: Մեծ տարածում և երկար կյանք են ունեցել մեկ կանթանի երկարավիզ սափորները (ս.ճ.ձ. 3), որոնք հասնում են նույնիսկ մ. թ. ա. I դ.⁴⁵:

Բաց, մուգ կարմիր կամ կարմրա-շագանակագույն անգործի վրա ուղղանկյուններով, եռանկյուններով, սպիրալներով և ուղղահայաց դժերով զարդարված խեցեղեն արտադրվել է Խորեզմում անտիկ շրջանում՝ մ. թ. ա. IV դ., մ. թ. I դ.⁴⁶: Զիզգադաձև, ցանցաձև, եռանկյունաձև, հորիզոնական և թեք տարված ժապավեններով, բուսական և կենդանական պատկերներով գունազարդ խեցեղեն անտիկ շրջանում արտադրվել է նաև Մինգեշաուրում: Այն շատ նման է բրոնզեդարյան գունազարդ խեցեղենին: Մեծ քանակությամբ նման խեցեղեն է հայտնաբերվել Մինգեշաուրի կուրասային թաղամասերից⁴⁷: Գունազարդ խեցեղենը զարգացման նույն փուլերին է անցել նաև Վրաստանում: Այդ մասին են վկայում տարբեր վայրերում հայտնաբերված արձանաշան և հելլենիստական շրջանի գունազարդ խեցեղենի նմուշները⁴⁸:

Այս ամենը ցույց է տալիս, որ մ. թ. ա. III դարից սկսած անտիկ աշխարհի հելլենիստական մշակույթի ոլորտում շնորհված կամ նրան հարող երկրներում լայն տարածում է ստանում բառ Ֆոնի վրա գունազան գույներով զարդարված խեցեղենը: Այդ խեցեղենի բնորոշ գծերից մեկն այն է, որ զարդերի մեջ գերակշռում են բուսական և երկրաչափական նախշերը: Ըստ որում, բուսական զարդանախշերն ավելի հատուկ են հելլենիստական աշխարհի արևմտյան՝ Ալեքսանդրիայի, փոքրասիական կենտրոնների, Հունաստանի, մերձսևծովյան քաղաքների գունազարդ խեցեղենին, իսկ երկրաչափականը՝ արևելյան, Անտիոքի, Թեյ Հալաֆի, Հայաստանի, Մինգեշաուրի, Խորեզմի և այլ կենտրոնների գունազարդ խեցեղենին: Մյուս ընդհանուր, բնորոշ գծերից մեկն էլ այն է, որ պատկերները հիմնականում տեղավորված են անոթի վերին կեսում, վզերին, ուսերին: Այս առումով նրանք հիշեցնում են հունական խեցեղենը: Այնուհետև շատ կենտրոնների արտադրանքում հանդիպում են զարդանախշեր՝ արված ոչ միայն բաց գույնի անգործի ֆոնի վրա, այլև ուղղակի կավանոթի փայլեցրած մակերեսին:

Հայաստանում հայտնաբերված վաղ հայկական և հելլենիստական շրջանի գունազարդ խեցեղենը հանդիսանում է դարերի խորքից եկող տեղական արտադրությանը շարունակությունը: Եթե միայն ժամանակաշրջանի պահանջներին համապատասխան, Միայն դարերի ընթացքում մշակված այդ տրադիցիաները ժառանգող միջնադարի վերապահները կարող էին ստեղծել այդպիսի զեղարկական բարձր ճաշակով պատրաստված հելլենիստական շրջանի գունազարդ անոթներ: Պետք է ենթադրել, որ գունազարդ խեցեղենի արտադրությունը շարունակվելով VI—V դդ. հետագայում որոշ ազդեցություն է կրել հունական գունազարդ խեցեղենից, որն ըստ երևույթին արդեն թափանցում էր Հայաստան (Արմավիրից և Գանդիսից հայտնաբերված գունազարդ խեցեղենի մեջ կան մի շարք նմուշներ, որոնք եթե հունական չեն, ապա հունական տիպի են):

⁴¹ Э. Р. Штерн, *Изд. арх. и этногр.* V, VI.

⁴² Т. Н. Книпович, Из истории художественной керамики Сев. Причерноморья, *ИЗ 142*, № 5:

⁴³ Т. Н. Книпович, *Изд. арх. и этногр.* № 142, № 4:

⁴⁴ М. М. Кобылина, Фанагория, МНД, 56, № 142:

⁴⁵ Т. Н. Книпович, Художественная керамика в городах Сев. Прич., *ИЗ 371* և հետ:

⁴⁶ «Керамика Хорезма», *ИЗ 84*, 189, № 42:

⁴⁷ С. М. Казиев, *Изд. арх. и этногр.* № 21, տախ. VIII, IX, XI; Т. Н. Голубкина, О зооморфной керамике из Мингечаура, МКА, т. II, 1951, *ИЗ 129*, № 30; Е. А. Пахомов, Исследования и раскопки кувшинных погребений Азербайджана, «Известия» Аз. ФАН, 1939, № 3, *ИЗ 72—73*, № 3:

⁴⁸ Г. А. Тиранян, *Изд. арх. и этногр.* № 272:

Հոնիական խեցեղենը դեպի Հայկական լեռնաշխարհ կարող էր թափանցել հիմնականում Ալեքսանդրիայից՝ Սիլերկրական ծովի սիրիական ափին՝ VIII դարում ստեղծված հունական ֆակտորիայից, VII—VI դդ. սահմանադրիին Նիկիզյան ծովափին հիմնադրված Տարսոն բազաբից և VI դարում ստեղծված հարավսեծովյան գաղութներ՝ Սինոպից, Ամիսոսից, Տրապիզոնից, չհաշված Փոքր Ասիայով, գլխավորապես Փոյուզիայով անցնող ցամաքային ճանապարհները։ Հետևաբար, Հայաստանի գունազարդ խեցեղենի ուսումնասիրության համար կարևոր նշանակություն ունեն Փոքր Ասիայի ներքին շրջանների ու լիդիացիական և հարավսեծովյան բազաբների, հատկապես Սինոպի հոնիական խեցեղենի նմուշները⁹⁹։

III—II դդ. Հայաստանում եւ, որը սերտորեն կապված էր հելլենիստական աշխարհի հետ և հանդիսանում էր այդ կույտության կրող երկրներից մեկը, գունազարդ խեցեղենը ազդվելով հելլենիստական երկրներում լայն տարածում գտած նույնատիպ խեցեղենից, այդ շրջանում հասնում է իր ծաղկման զարգացման զաղաթնակետին։

Այդ տրագիդիան Հայաստանում այն աստիճան տարածվում է, որ դառնում է հելլենիստական շրջանի գեղարվեստական խեցեղենի տիրապետող ձևերից մեկը։ Այն իր կենսոտակությունը մասամբ պահպանում է նաև հետագայում և հասնում է մինչև միջին դարերը։

Հայաստանում արտադրվող հելլենիստական գունազարդ խեցեղենը հանդիսանալով անտիկ աշխարհի այդ տիպի խեցեղենի բազմաթիվ խմբերից մեկը, նրանց հետ ունեցած իր բնոցանություններից բացի ունի նաև մի շարք տեղական առանձնահատկություններ։ Դա նախ արտահայտվում է կավանոթների ձևերի մեջ, որոնք համընկնում են անզարդ խեցեղենի հետ, ինչպես նաև մասնական ավելի վաղ շրջանի տեղական անոթներին, հանդիսանալով նրանց հետագա զարգացումը։ Այնուհետև դա որոշակիորեն դրսևորվում է զարդանախշերի ինքնատիպության, կառուցվածքի մեջ և այլն։

Այս բոլորը վկայում է, որ հելլենիստական մշակույթը թափանցել և խոր արմատներ է ձգել Հայ իրականության մեջ, հատկապես բազաբային բնակչության շրջանում։ Հայ ժողովուրդն անմասն չմնաց արևմուտքից թափանցող, տվյալ ժամանակաշրջանի առաջադեմ բարձր զարգացած հունական մշակույթից և սակայն, ինչպես արևելքում ամենուրեք կատարվեց, կուրորեն շրջույնեց այն, այլ աշխատեց տեղական, դարերի րեթացքում ստեղծված բարձր մշակույթի հիմքի վրա ավելի զարգացնել, առաջ մղել։ Այդ երևույթը նկատվում է ոչ միայն բնակրված գունազարդ խեցեղենի բնագավառում (որովհետև միազույն խեցեղենի մեջ նույնպես կան գույն հելլենիստական խեցեղեն անոթների տիպեր, ինչպիսիք են կանթարոսները, ունդիկետարիաները), այլև մյուս բնագավառներում՝ արվեստի, պաշտամունքի ու կենցաղի մեջ։

⁹⁹ Դ. А. Тиранян, *Նշվ. աշխ.* էջ 274 և հալ.